

Tempus ad refectionem unguium aptum  
edocere, Canon VII.



Nabscisione unguium seclusis impedimentis supra annotatis, sit Luna aucta lumine & motu, & in aliqua domorum Veneris, uel Ariete, aut Leone, Venerē aspiciens, uel Solem radio amicabili. Geminos autē & Pisces præ cæteris signis, tum pro Lunæ loco, tum pro ascendente rei cimus. In hora etiam ipsa Luna sit in aliqua succedente. Maleficæ uero ab angulis remotæ sint, non inficientes ascendens neq; dominum eius. Id autem obseruari conuenit, quòd nonnulli ex improvida unguium sectione, ungues difformes fieri, aut apostemata circa eos enasci affirmant.

Diuerfa corporis membra, uirtutes, & operationes,  
sub fœlici constellatione, medicaminibus  
appropriatis confortare,  
Canon VIII.



Membrum ægrum saluberrime confortatur, dum signum idem membrum ægrum respiciens à maleficis & radijs eorum infortunatis immune fuerit, & Luna ab impedimentis suis libera in bono aspectu, uel coniunctione beneficarum, illud signum tenuerit. Habet & hæc res magnam ad confortandum uim, si planeta eius membri, & ascendens horæ, in dispositione laudabili, constituentur. Virtutes quoq; bonam recipiunt confortationem, dum significatores eorum fœliciter ex cœlesti figura defluerint, signa q; membrorum, in quibus uirtutum ipsarum est sedes, ab omni infortuniorum genere libera fuerint. Inter uirtutes autem principales, autore Ptolemaeo, uitalis Soli, naturalis Ioui cum Luna, animalis cum partibus suis & maxime apprehensiuæ Mercurio debetur. Præterea illæ, quæ minus principales, partim ministrantes, partim ministratæ à medicis appellari solent, non æque uni, sed diuersis subsunt significatoribus. Attractiua enim & irascibilis Marti, igneisq; signis. Retentiua Saturno cum terreis signis. Digestiua Ioui cum aëreis. Expulsiua Lunæ cum aquaticis subditæ sunt. At generatiua & concupiscibilis Veneri, & luxuriosis signis, & multam prolem significantibus. Vegetatiua Lunæ & humidis signis attribuuntur. Virtutibus itaq; eo modo bene confortatis, operationes demum bonas atq; incolumes procedere rationabiliter coniectari licet.

Plantandi & seminandi tempora explorare,  
Canon IX.



Ametsi Lunam ueteres agriculturæ scriptores pro tempore, ad seminandum & plantandum, idoneo, maxime obseruare consueuerunt. Est tamen ex eorundem sententia, non minus terræ colendæ, seminumq; & furculorum inserendorum, ac uniuersalium temporum naturæ & qualitatis habenda ratio. Nam si in terram humidam, aut semen humidum seminare aut plantare uolueris, id teste Plinio, sub interlunio, decrescente luna commodius facies. Si uero in terram aridam, aut semen aridum serere animus est,  
Luna